

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtrum sacramentum sit in genere signi? 1

urn:nbn:de:hbz:466:1-38725

ARTIC. PRIMVS.

326

4. dī. 1. q.
1. ar. 1. q.
1. & ar.
3. ad 1. et
at 4. q. 1.
ad 1.

*Vtrum sacramentum sit in genere signi?*

D primum sic proceditur. Videtur quod sacramentum non sit in genere signi. Videtur enim sacramentum dici a faciendo, sicut medicamentum a medicando. Sed hoc magis videtur pertinere ad rationem causæ, quam ad rationem signi. Ergo sacramentum magis est in genere causæ, quam in genere signi.

¶ 2. Præterea, Sacramentum videtur aliquid occultum significare: secundum illud Tob. 12. Sacramentum egis abscondere bonum est. Et Ephes. 3. Quia fit dispensatio Sacramenti absconditi a seculis in Deo. Sed illud quod est absconditum, videtur esse contra rationem signi. Nam signum est quod præter † speciem quam ingerit sensibus, facit aliquid aliud in cognitionem venire: ut patet per August. * in 2. de Doctr. Christ. Ergo videtur, quod sacramentum non sit in genere signi.

¶ 3. Præterea, Iuramentum quandoque sacramentum nominatur: dicitur enim in † Decr. 22. q. 5. Parvuli qui sine astate rationali sunt, non cogantur iurare & qui semel periuratus fuerit, nec testis sit post hoc, nec ad sacramentum (id est, iuramentum) accedat. Sed iuramentum non pertinet ad rationem signi. Ergo videtur, quod sacramentum non sit in genere signi.

SED contra est, quod Aug. * dicit in 10. de ciu. Dei, Sacrificium visibile, inutilis sacrificij sacramentum, id est sacrum signum est.

RESPONDEO dicendum, quod omnia quæ habent ordinem ad unum aliquid (licet diuersimode) ab illo denominari possunt: sicut a sanitate, quæ est in animali, denominatur sanum, non solum animal, quod est sanitatis subiectum, sed dicitur, medicina sana, in quantum est sanitatis effectiva; dicta verò, in qua-

tum est conservativa eiusdem; & vrina, in quātum est significatiua ipsius. Sic igitur sacramentū potest ali quid dici, vel quia in se habet aliquam sanctitatē occultam (& secundum hoc, sacramentū idem est quod sacram secretum), vel quia habet aliquem ordinem ad hanc sanctitatem, vel causā, vel signi, vel secundum quācumque aliam habitudinem. Specialiter autem nunc loquimur de sacramentis, secundum quod important habitudinem signi: & secundum hoc sacramentum ponitur in genere signi.

Ad primum ergo dicendum, quod quia medicina se habet ut causa effectiua sanitatis, inde est quod omnia denominata à medicina, dicuntur per ordinem ad unum primum agens: & propter hoc medicamentum importat causalitatem quamdam. sed sanctitas, à qua denominatur sacramentum, non significatur per modum causæ efficientis, sed magis per modum causæ formalis, vel finalis: & ideo non oportet, quod sacramentum semper importet causalitatem.

Ad secundum dicendum, quod ratio illa procedit, secundum quod Sacramentum idem est quod sacram secretum. Dicitur autem non solum Dei secretum, sed etiam Regis, esse sacram & sacramentum: quia secundum antiquos sancta, vel sacrosancta dicebantur, quæcumque violari non licebat: sicut etiam muri ciuitatis, & personæ in dignitatibus constitutæ. Et ideo illa secreta siue diuina, siue humana, quæ non licet violari, quibuslibet publicando, dicuntur sacra, vel sacramenta.

Ad tertium dicendum, quod etiā iuramentū habet quamdam habitudinem ad res sacras: in quantum scilicet est quædam contestatio facta per aliquid sacrū. Et secundum hoc dicitur iuramentum esse sacramentum, non eadem ratione, qua nunc loquimur de sacramentis: non tamen æquiuocè sumpto nomine Sacramenti, sed analogicè, scilicet secundum diuersam habitudinem ad aliquid vñari, quod est res sacra.

A R